

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0057059 24
Zenica, 23.07.2024. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačka i) u vezi sa članom 241. Zakona o krivičnom postupku FBiH, p o d i ž e m

O P T U Ž N I C U

Protiv:

H.E., neosuđivana

što je,

dana 08.02.2024. godine, u Visokom, podnijela krivičnu prijavu na način da je pristupila u prostorije PS Visoko i usmeno prijavila da je istog dana tj. 08.02.2024. godine dobila poruke prijetećeg sadržaja sa telefonskog broja nepoznatog pošiljaoca na njen telefonski broj, koje su glasile: "hej, baš si ružna žena na viberu, reci coiku da mi ostavi trebu na miru, ubiću ga, znam gdje je, ubiću njega i vas, znam sve u o vama, nek joj još bilo kad priđe, on je danas gotov, ja sam spreman na sve za nju učiniti, gotovi ste svi ako je ne ostavi i prestane zvat, nek je ostavi na miru ne zna on s kim je se povezo, lagaće mu sve samo da dobije ono što treba, ako ne prestane danas sve on neće noć spavati, nit ce tega više vidjeti, vec dugo to njihovo traje, ti si luda žena, što mu vjeruješ moja treba ima tvoj broj, ali zadnji put sam reko da prestane noc nece te prenocit, on spava sa njom svaku noc, ja ih pratim, dođe po njeg i odu do moje trebe, ali je danas zadnji dan, sa mnom bude malo ode njemu ali nece vise tako bit, to da znate kakvog muza imate džaba cekate njemu je ona bitnija od vas ali vise nece bit... ubi cu ga", te tako prijavila krivično djelo Ugrožavanje sigurnosti iz člana 183. stav 1. KZ FBiH, iako je znala i bila svjesna da se navedeni događaj nije desio, odnosno da nije primila SMS poruke prijetećeg sadržaja od nepoznatog pošiljaoca, već da je predmetne SMS poruke sama sačinila i sebi poslala sa predmetnog telefonskog broja, koji je prethodno kupila u svrhu slanja navedenih SMS poruka na svoj telefonski broj i u konačnici podnošenja prijave zbog navodno učinjenog krivičnog djela, a sve navodno zbog sumnje da je suprug H.M. vara, na koji opisani način je lažno prijavila da je učinjeno krivično djelo, što je i htjela,

dakle, lažno prijavila da je učinjeno krivično djelo iako je znala da to djelo nije učinjeno,

čime je počinila krivično djelo „Lažno prijavljivanje“ iz člana 347. stav 4. u vezi sa stavom 3. Krivičnog zakona Federacije Bosne i Hercegovine (KZ F BiH).